

Euskal Herriko Ahotsak
ahotsak.com

Rufina Irazu Amundarain

*Asteasu,
Gipuzkoa
(1923-2014)*

Aurkibidea



Biografia



Asteasuko Ureta baserrian jaioa. Hamar urterekin neskame joan zen Sorabillara (Andoain), eta esne partitzen ibili zen Andoainen. Oiartzunen ere ibili zen neskame. Gerra garaian, aldiz, Asteasun bizi izan zen. Anaia nazionalista zuen eta kartzelan izan zen; aita, bestalde, erreketek hil zieten. Baserria aurrera atera ahal izan zuten, hala ere. Eta gazterik, Larraulera ezkondu zen.

Zintak

AST-001

- **Proiektua:** Euskal Herriko Ahotsak
- **Elkarrizketatzailea(k):** Artetxe, Miren
- **Data:** 2009-12-15
- **Iraupena:** 87 min
- **Euskarria:** Bideo digitala
- **Kodifikatzailea:** Etxeberría, Idoia

Pasarteak

1. Aita hil egin zuten, gerra garaian

- **Erref:** AST-001/003
- **Iraupena:** 0:04:33. **Hasi:** 00:01:11. **Bukatu:** 00:05:44
- **Multimedia:** bideoa online ikusgai

Gaia(k):

- Politika » Gerra zibila (1936-1939) » Errepresioa

Laburpena:

Anaia zaharrena ondoko beste baserri bateko mutilarekin norgehiagokan zebilen beti. Nazionalistekin joan zen anaia, gerran; zeintzuk geratu ziren etxean. Erreketeak joan ziren baserrira. Aita ezkutatuta zegoen, Aian, eta osaba eraman zuten. Aita bueltatu zenean, atxilotu, eta hil egin zuten.

2. Hiru baserritan hiru fusilatu; lapurretak

- **Erref:** AST-001/004
- **Iraupena:** 0:02:31. **Hasi:** 00:05:44. **Bukatu:** 00:08:15
- **Multimedia:** bideoa online ikusgai

Gaia(k):

- Politika » Gerra zibila (1936-1939) » Errepresioa
- Politika » Gerra zibila (1936-1939) » Gerraren eragina
- Politika » Gerra zibila (1936-1939) » Ondasunen galera

Laburpena:

Konporta baserrikoa Tolosara eraman zuten. Hil behar zituztenak Donostiara eramaten zituzten. Inguruko baserrietatik hiru eraman zituzten, eta denak garbitu zituzten. Erreketeek oiloak ere eramaten zituzten. Eta egunero marmita bete esne eraman behar izaten zieten.

3. Ezinikusiak eta mendekuak, gerra garaian

- **Erref:** AST-001/005
- **Iraupena:** 0:04:06. **Hasi:** 00:08:15. **Bukatu:** 00:12:21
- **Multimedia:** bideoa online ikusgai

Gaia(k):

- Politika » Gerra zibila (1936-1939) » Errepresioa
- Politika » Jarrera politikoak » Liskarrak politikan

Laburpena:

Erreketeak anaiaren bizikletaren bila ere joan ziren. Etxea miatu, eta bat eraman zuen anaiarekin borrokan ibiltzen zen mutilak. Erreketea zen. Apustu kontuengatik anaiari gorrotoa ziola uste du, eta mendeku hartu zuela. Santa Ageda apustularia. Neskame hamar urterekin. Asteasun eskuindar bat hil zuten, komunistek eramanda. Horren errua botatzen zioten anaiari eta. Ezinikusiak, mendekua.

4. Gerra nola hasi zen; tiroketa

- **Erref:** AST-001/007
- **Iraupena:** 0:03:05. **Hasi:** 00:12:31. **Bukatu:** 00:15:36
- **Multimedia:** bideoa online ikusgai

Gaia(k):

- Politika » Gerra zibila (1936-1939) » Gerraren eragina

Laburpena:

Gerra hasi zeneko oroitzapenak. Baserrian ez zuten ezer igarri, baina erreketek etxera joaten hasi ziren. Senitartekoak ere baserrian zituzten. Tiroak ere bota zizkieten behin, osabak txakurrari txistu egin ziolako.

5. Anaietako bat preso eta bestea kintak harrapatu

- **Erref:** AST-001/008
- **Iraupena:** 0:04:22. **Hasi:** 00:15:36. **Bukatu:** 00:19:58
- **Multimedia:** bideoa online ikusgai

Gaia(k):

- Politika » Gerra zibila (1936-1939) » Borroka
- Politika » Gerra zibila (1936-1939) » Errepresioa

Laburpena:

Anaietako bat gerrara eraman zuten. Beste anaia-eta Bilbo aldean

errenditu ziren, handik atxilotuta Gasteizera, eta gero kartzelara. Ondarretan egon zen 22 hilabete. Amari hura libre uzteko tratua eskaini zioten, baina ez zuen onartu; herriko fraide batek bai, eta gero hil egin zuten.</p>

6. Emakumeei ilea moztu eta errizino-olioa eman

- **Erref:** AST-001/009
- **Iraupena:** 0:01:47. **Hasi:** 00:19:58. **Bukatu:** 00:21:45
- **Multimedia:** bideoa online ikusgai

Gaia(k):

- Politika » Gerra zibila (1936-1939) » Errepresioa
- Politika » Jarrera politikoak » Emakumeak politikan

Laburpena:

Gerra garaiko ankerkeriak. Hil zuten fraidearen arrebari ilea moztu zioten, eta Asteasuko beste emakume batzuei ere bai. Errizino-olioa. Politikan ez ziren sartzen beraiek, irratirik ere ez zuten.

7. Erreketeak ere euskaldunak

- **Erref:** AST-001/010
- **Iraupena:** 0:02:50. **Hasi:** 00:21:45. **Bukatu:** 00:24:35
- **Multimedia:** bideoa online ikusgai

Gaia(k):

- Politika » Gerra zibila (1936-1939) » Borroka
- Baserrria » Baserriko lanak » Baserriko animaliak

Laburpena:

Erreketeak ere euskaldunak eta baserritarrak ziren. Aginduak nondik jasotzen zituzten ez daki. Oilaloka ere eraman zieten behin. Oilaloka zer den azaltzen du. Txitak. "Kolka" edo "loka". 22 egun pasatu behar ditu arrautzen gainean.

8. Asteasun fusilatuak

- **Erref:** AST-001/011
- **Iraupena:** 0:01:34. **Hasi:** 00:24:35. **Bukatu:** 00:26:09
- **Multimedia:** bideoa online ikusgai

Gaia(k):

- Politika » Gerra zibila (1936-1939) » Errepresioa

Laburpena:

Kasu batzuk aipatzen ditu: Kortaburukoa eta Jose Leon ere eraman eta hil egin zituzten. Beste baten kasua: Villabonako lagun baten senidea arma soron gorde zuelako hil zuten.

9. Gerra ondorengo kontuak

- **Erref:** AST-001/013
- **Iraupena:** 0:02:17. **Hasi:** 00:26:25. **Bukatu:** 00:28:42
- **Multimedia:** bideoa online ikusgai

Gaia(k):

- Politika » Gerraostea eta Francoren diktadura » Ekonomia gerraostean
- Politika » Gerra zibila (1936-1939) » Errepresioa
- Politika » Gerra zibila (1936-1939) » Gerraren eragina

Laburpena:

Asteasun hamar bat hil zituzten, eta ez politikarengatik. Bederatzi senideak elkar hartuta. Gerra ondoren, gosetea. Ez ziren etxetik ateratzen.

Salbokonduktoa, inora joateko. Txekorra ez zuten eraman erreketee, zailagoa zelako.

10. Oilasko jokoa

- **Erref:** AST-001/014
- **Iraupena:** 0:01:41. **Hasi:** 00:28:42. **Bukatu:** 00:30:23
- **Multimedia:** bideoa online ikusgai

Gaia(k):

- Baserrria » Baserriko lanak » Baserriko animaliak
- Familia eta harremanak » Lagunartea eta familia » Gaztetako ibilerak

Laburpena:

<p>Oilasko jokoa zer zen kontatzen du. Makilan zintzilik, baserrietan batutako oilaskoak. Herriko gazteak. Lepoa nola moztzen zieten oilaskoei.</p>

11. Neskatoa zela gertatu zirenak

- **Erref:** AST-001/015
- **Iraupena:** 0:02:52. **Hasi:** 00:30:23. **Bukatu:** 00:33:15
- **Multimedia:** bideoa online ikusgai

Gaia(k):

- Politika » Jarrera politikoak » Liskarrak politikan

Laburpena:

Nahi zutena egiten zietela dio. Bizikleta lapurtu zienak barkamena eskatu zion anaiari, gero; eta hark eman. Neskatoa zen bera, hura gertatu zenean. Aita ezkutatuta zegoen bitartean egin zizkieten barrabaskeriak. Eta denak ezagunak ziren, ingurukoak.

12. Neskame Sorabillara, hamar urterekin

- **Erref:** AST-001/017
- **Iraupena:** 0:03:05. **Hasi:** 00:33:24. **Bukatu:** 00:36:29
- **Multimedia:** bideoa online ikusgai

Gaia(k):

- Ohiturak eta bizimodua » Kontakizunak eta sinesmenak » Gertaera izugarriak eta ezbeharrak
- Lanbideak » Neskameak

Laburpena:

Baserri batera joan zen neskame, hamar urterekin, Sorabillara. Astoarekin joaten zen Andoainera, esnea partitzera. Uholdeak gertatu ziren, eta baserrria ibaitik gertu. Errotara bidali zuten, baina eskerrak morroiak ez zion utzi.

13. Esnea partitzen

- **Erref:** AST-001/018
- **Iraupena:** 0:01:53. **Hasi:** 00:36:29. **Bukatu:** 00:38:22
- **Multimedia:** bideoa online ikusgai

Gaia(k):

- Baserria » Baserriko lanak » Herrira saltzera, erostera
- Lanbideak » Neskameak

Laburpena:

Esnea partitzearena nola izaten zen. Marmitak. Eskaileretan gora, esnea eramaten. Neurria. "Letxeroa", esnea biltzen zuena. Hiru urte egin zituen Sorabillan.

14. Eskola publikoetara; gutxi ikasi zuen

- **Erref:** AST-001/020
- **Iraupena:** 0:03:14. **Hasi:** 00:39:20. **Bukatu:** 00:42:34
- **Multimedia:** bideoa online ikusgai

Gaia(k):

- Ohiturak eta bizimodua » Hezkuntza » Eskola
- Ohiturak eta bizimodua » Hezkuntza » Zigorak

Laburpena:

<p>Eskolara gutxi joaten ziren. Beste senide denak eskola batera joan ziren eta bera herriko eskolara. Besteak jo egiten zituzten, eskuan txapa bat jarrita. Gutxi ikasi zuen. Neskak bakarrik egoten ziren, maistrarekin. Dena erdaraz, ez jakin arren. Zigorak.</p>

15. Baserria umetan eta eskola

- **Erref:** AST-001/022
- **Iraupena:** 0:01:39. **Hasi:** 00:42:43. **Bukatu:** 00:44:22
- **Multimedia:** bideoa online ikusgai

Gaia(k):

- Ohiturak eta bizimodua » Hezkuntza » Eskola
- Familia eta harremanak » Lagunartea eta familia » Etxeko zereginak

Laburpena:

Baserrian umeak zertan ibiltzen ziren. Artoa, soroak, itaurrean... Aita zenak esaten ziena. Eskolako kontuak. Irakurtzen ikasi zuen. Eskolako liburuak. Katona, kartila...

16. Jaunartzekoa, egun ederra

- **Erref:** AST-001/024
- **Iraupena:** 0:02:16. **Hasi:** 00:44:41. **Bukatu:** 00:46:57
- **Multimedia:** bideoa online ikusgai

Gaia(k):

- Ohiturak eta bizimodua » Erlijioa » Elizkizunak eta otoitzak

- Ohiturak eta bizimodua » Erlijioa » Sakramentuak
- Ohiturak eta bizimodua » Erlijioa » Elizaren indarra
- Herria, azpiegitura » Berrikuntzak » Argindarra eta ura

Laburpena:

<p>Dotrina ez du asko gogoratzen, jaunartzea bai. Egun ederra pasatu zuten. Eliza ondoko etxea. Eliza ez zegoen urruti, baina aldapa zegoen. Goizeko seietan, mezara; ilunetan, gari lastoa piztuta.</p>

17. Mezak, misioak eta bekatua

- **Erref:** AST-001/026
- **Iraupena:** 0:03:01. **Hasi:** 00:47:03. **Bukatu:** 00:50:04
- **Multimedia:** bideoa online ikusgai

Gaia(k):

- Ohiturak eta bizimodua » Erlijioa » Elizkizunak eta otoitzak
- Ohiturak eta bizimodua » Erlijioa » Kongregazioak
- Ohiturak eta bizimodua » Erlijioa » Elizaren indarra

Laburpena:

<p>Meza latinez izaten zen. Aldarea. Sermoiak. Misioak, Garizuman. Ezkondu ondoren ere, Errezilgo fraide bat etortzen zen. Dena bekatua. Ikaratuta joaten ziren etxera.</p>

18. Asteasuko festak

- **Erref:** AST-001/030
- **Iraupena:** 0:01:01. **Hasi:** 00:56:26. **Bukatu:** 00:57:27
- **Multimedia:** bideoa online ikusgai

Gaia(k):

- Aisia » Jai-giroa » Beste toki batzuetara jaietara
- Aisia » Jai-giroa » Herriko ospakizunak

Laburpena:

<p>Herriko festak, Asteasukoak. San Pedro eguna. Bertsolariak. Dultzaina. Villabonara ere joaten ziren.</p>

Transkripzioa

- Festak?
- Festak o, erromerik o ze, hola dibertimendua ze izaten zan?
- Herriko festak.
- Astiasukotaz gogoratzen zea zu o Larraulgotaz?
- Larraulea ez dakit juten giñan'e.
- Astiasu.
- Asteasua bai.
- Noiz izaten zian festak Asteasun?
- San Pedro eguna, "veintinueve de junio". Ta orduntxe, ba, izaten gendun, urte guztin haren zai eongo giñan. Txikik giñan artian behintzat haikin, ta gero're asko atera... Villabonara bai jun izandu giñan ta Larraula ez dakit jungo giñan noiz o noiz, baiño...
- Ta San Pedrok zer zian Astiasun? ze eoten zan eo zer zian garai haitan festak?
- Ordun bersolarik eta hola. Gaiñantzian ze izango zan? Dultzaiña're

aurrenetik izaten zan, baiño gero hoik'e jun zian. Ez dakit bukatu in zian o ze [in zian].

19. Emakumeak plazan; nobio kontuak

- **Erref:** AST-001/034
- **Iraupena:** 0:02:14. **Hasi:** 00:59:31. **Bukatu:** 01:01:45
- **Multimedia:** bideoa online ikusgai

Gaia(k):

- Familia eta harremanak » Bikote kontuak » Ligatzea
- Familia eta harremanak » Sexua eta generoa » Genero berdintasuna
- Ohiturak eta bizimodua » Erlijioa » Elizaren indarra
- Aisia » Kultura » Bertsolaritza

Laburpena:

<p>Lehen emakume bertsolaririk ez zegoen. Gizonak ere gutxi. Emakumeak tabernara ez, beti plazan. Amaritarako etxera. Neska-laguntza. Nobioa nola topatzen zen.</p>

Transkripzioa

- Kastigatu beharrak. Uain'e askotan hala izango dira ta. Ez dakit, ez dakit. Bersolarik ez ta pentsatu're. Gutxi izaten zian gañuntzian gizonak e, oso gutxi.

- Ta emakumiak tabernan-ta ibiltzen zian garai haitan uain bezela?

- Juten al zian ba taberna? haik plazan festetan'e. Taberna...

- Ze iten zenuen zuek festetan?

- Gu behintzat ez giñan juten, gu hantxe ibili plazan.

- Ta erromeriok o izaten zan, dantza o zeoze?

- Bai, bai, hoi bai, hoi bai. Ta aimaritan etxea. Hala!

- Korrika.

- Bai.

- Baiño batenbatek lagunduta o?

- Batzutan, beste batzutan bate be.

- Zuek hurbil bizi ziñatelako?

- Bai. Bai ta... ze? urruti bizi zianak'e ze itten zizuen? launtzen al zizuen?

Akaso batebat jungo zan, baiño...

- Ez o?

- Bai, neska-laguntzia famatuba zan ordun. Uain ez dakit, baiño ordun bai.

- [...]

- Bai, bai laguntzea juten zian. Amorratzen eoten zian! Jendia... dantzan gebiltzala han begiya jota eukitzen zuen batek baiño gehiyok, ta.

- Zuek bai jakin! "Hoi beira ai zaiak, ta hau bazetorrek eta".

- Ta geo igual nahi ez dezuna etorriko zitzaizun.

- Hari ezetz esan.

- Haik'e, zein zan nausi.

- Ta, nik hoi askotan pentsatzen det e, nola... nobiyuak-eta nola billatzen zenittuen? holaxe, hola, begiyan txokotik? nola izaten zan hoi?

- Nobiyuak... festan begiya joko zitzaion neskai seguru asko.

- Mutillak billatzen zun nobiya? ez neskak nobiyua?

- Bueno, bitatik izango zien. Zuri're gustatu beharko zazu, bestela, "alla cuidaus"! Baiño haik, haik, han beti eoten zian, han, zai.

20. Ezin nobioa aldatu, lehen

- **Erref:** AST-001/037
- **Iraupena:** 0:02:03. **Hasi:** 01:02:21. **Bukatu:** 01:04:24
- **Multimedia:** bideoa online ikusgai

Gaia(k):

- Familia eta harremanak » Bikote kontuak » Ligatzea
- Familia eta harremanak » Sexua eta generoa » Genero berdintasuna

Laburpena:

<p>Lehen ez zuten nobioz aldatzen. Batekin hasi eta beti harekin, baita txarra tokatuta ere. Tratu txarren konturik ez zen aditzen, ezkutatu egingo ziren.</p>

Transkripzioa

- Gero, uain aiñeko zeaik ez zan izaten ordun, ahaztu aldik eta, eo utzi aldik eta.

- Behin hasi ta segi!

- Hoi da desgraziya, e?

- Beno, ona tokatu ezkeo ez.

- Zere denbora guziko ona tokatzia... Uain pentsatzen det nik e, ez dala errexa. Nik badamakizkit berrogeita sei urte alarguna ta, beno. Baiño zere denboa guztin batekin'e... Ona tokatzen bazazu, ondo, baiño erdipurdiko bat o txar bat gertatzen bazazu, eon zaittez beti hari beira.

- Jo, baiño nik uain jende askoi galdetzen diot... ze nei iruitzen zait, ba, ezkontzako momentuan, garai haitan, ni neska gaztia imajinatzen naiz han, ta bildurra emango liakela ezkontziak. Ta jendiai galdetzen diot, emakumei ,ta "Bildurrik ez al zizuen ematen ordun?" ta ezetz erantzuten die gehienak.

- Ez bait dakizu zer datorren. Ta ez dakizunian, ez dakazu bildurrik. Ordun ez genekiun eo txarra eo ona o ze izango zan, ta ordun ez dakazu bildurrik.

- Ez zenuen aitzen hola ixtori...

- Ez, holako, holako... trixteik ez uain bezelakoikan. Ordun'e gaizki pasatzen zianak izango zian. Baiño ez zan aitzen. Gaiñea, basarritan gorde ingo zan holakua izan ezkeo. Zertako aiko ziñan, parra ingo zizuen igual ta, gero bata bestiai esan ta. Ez, ez, ordun uain bezelaxe izango ziala uste det txarrak eta onak, bai andriak eta bai gizonak. Beti ez dia gizonak txarrak e, hoi`re esan bihar da.

21. Ezkondu, behin eta betiko

- **Erref:** AST-001/039
- **Iraupena:** 0:01:42. **Hasi:** 01:04:50. **Bukatu:** 01:06:32
- **Multimedia:** bideoa online ikusgai

Gaia(k):

- Familia eta harremanak » Bikote kontuak » Ligatzea
- Familia eta harremanak » Bikote kontuak » Ezkontzak
- Ohiturak eta bizimodua » Erljioa » Elizaren indarra

Laburpena:

<p>Arreorik ez zuen eraman berak, pobrea zen eta. Senar-emazteak beti ondo eramatea zaila dela dio. Lehen ez ziren apartatzen.</p>

Transkripzioa

- Garai haitan, arreua ta izaten zan? Zuk [eman al zendun arreua]?
- Nik ez nun eman, ni pobria nitzan ta, nik ez nun ezer eaman. Ta bestia ´re halaxe zan, pobria, ta gendunakin hasi giñan.
- Larraulea ezkondu ziñan.
- Bai, bai.
- Ta ordun zu ´re bildurrik gabe ezkondu ziñan.
- Bai, bai, bai. Esan dizut ba, ez dakizu ze ateako zean. Uain bildurtuko nitzake e, uan, ze ateako ote dan. Ta batzuri aitzen diet: “Ni betiako ezkondu naiz”. Hoi, hoi alper-alperrik esatia da, “betiako ezkonduko naiz” hoi, nik uste det ezetz. Eo andria ez bada o gizona, batebat ateatzen da / ateatzea/ erdipurdikua. Ta balin baittuzu hoge urte eo hogeita seikin ezkontzen zea hoitamarrekin, eta luzia balin bada bizitza... oso ondo balin badia, oso ondo moldatzen badia bai, baiño gaiñantzian...
- Baiño uain bado apartatzia ta ez do hola gaizki ikusiya, baiño garai haitan... bazeon... zuk ezautu zendun batenbat, hola, parejan bat, matrimonion bat, apartatu zana?
- Ez, ez, ordun ez. Hoik modernuak dia ta eskerrak. Bestela han eon zaittez bizitza guzin aguantatzen. Igual da andria, ta igual da gizona. Alde in ta kitto, noabaitte. Nei hala iruitzen zait, e!

22. Lehen umea jaio eta senarraren ama hil, bateratsu

- **Erref:** AST-001/041
- **Iraupena:** 0:02:33. **Hasi:** 01:07:06. **Bukatu:** 01:09:39
- **Multimedia:** bideoa online ikusgai

Gaia(k):

- Familia eta harremanak » Lagunartea eta familia » Etxeko giroa
- Ohiturak eta bizimodua » Osasuna » Jaiotzak
- Ohiturak eta bizimodua » Erlijioa » Hiletak

Laburpena:

<p>Senarraren baserrira ezkondu zen; haren ama elbarria, ohean. Agonia jotzen zen, norbait hiltzean. Bera lehen umea izatean oso gaizki egon zen, eta herrian zalantza piztu zen, bietako zein hil ote zen. Medikua joaten zen, erditzeetan.</p>

23. Ogia egiten; beheko sua eta taloak

- **Erref:** AST-001/043
- **Iraupena:** 0:04:06. **Hasi:** 01:13:17. **Bukatu:** 01:17:23
- **Multimedia:** bideoa online ikusgai

Gaia(k):

- Familia eta harremanak » Lagunartea eta familia » Etxearen egitura
- Ohiturak eta bizimodua » Elikadura » Jatekoa eta edatekoa
- Baserría » Baserriko lanak » Garia
- Baserría » Baserriko lanak » Artoa
- Euskara » Lexikoa
- Ohiturak eta bizimodua » Elikadura » Errezetak

Laburpena:

<p>Ogia nola egiten zuen. Harrotzeko zer erabiltzen zuen. Irina ekartzen

zuten errotatik; zahia. Ogi zuri ederra. Ekonomia. Su baxua ezagutu zuen. Laratza. Amaren taloak, mehe-meheak. "Talo mantenua" eta "talo-burniya".</p>
<p>

24. Taloa eta esnea; errotak

- **Erref:** AST-001/045
- **Iraupena:** 0:02:04. **Hasi:** 01:17:37. **Bukatu:** 01:19:41
- **Multimedia:** bideoa online ikusgai

Gaia(k):

- Baserría » Baserriko lanak » Artoa
- Ohiturak eta bizimodua » Elikadura » Jatekoa eta edatekoa
- Baserría » Baserriko bizimodua » Baserriko bizimodua
- Baserría » Baserriko lanak » Errota

Laburpena:

<p>Talo asko jandakoa da. Ogi eguerdian. Taloa eta esnea. Goserik ez, baserrian. Txerria hiltzen zuten. Pello Errotaren etxera joaten ziren irinetara. Asteasuko errotak.</p>

25. Etxea beti umez beteta; jolasak

- **Erref:** AST-001/047
- **Iraupena:** 0:04:16. **Hasi:** 01:20:31. **Bukatu:** 01:24:47
- **Multimedia:** bideoa online ikusgai

Gaia(k):

- Familia eta harremanak » Lagunartea eta familia » Etxeko giroa
- Familia eta harremanak » Lagunartea eta familia » Jolasak
- Baserría » Baserriko lanak

Laburpena:

Ganaduarekin belarretara, garotara... lan asko egiten zuten. Bederatzi senide ziren. Umea ekarri, eta kasurik ez egitea. Ume mordoa ibiltzen zen beti etxean. Txirrista modukoa zuten, eta neguan zabua. Sokasalto. Irudimena. Harrapaketan, elkarri joka... jolasak. Neska-mutilak elkarrekin.

Ahotsak.eus-eko edukiarekin sortutako dokumentu automatikoa.
2026-02-25

CC-by-sa | Ahotsak.eus
Badihardugu Euskara Elkartea
Markeskua Jauregia, 20600 Eibar
943121775 - ahotsak@ahotsak.com